

TRUN

Treis scuntradas cun Matias Spescha

L'Uniun Trun Cultura festivescha il 100avel anniversari da Matias Spescha cun treis exposiziuns specialas.

CDM/FMR

A caschun dil 100avel anniversari da Matias Spescha (1925–2008) realisescha l'Uniun Trun Cultura treis exposiziuns specialas, sco ella ha scret en ina communicaziun allas medias. El decuors digl onn 2025 presentan treis artists contemporans dil Grischun lur scuntradas cull'ovra varionta da Matias Spescha: *Gaspare O. Melcher*, *Corsin Fontana* e *Not Vital*. En lur exposiziuns el Spazi Spescha presentan ils trais artists lavurs actualas ch'els cumbineschan cun ovras da Matias Spescha.


L'entschatta fa Melcher

L'avertura dil program fa Gaspare O. Melcher ils 15 da mars 2025. El center da sia exposiziun stat la reflexiun profunda davart ils principis fundamentals dalla cumposiziun picturala e spaziala. La basa per quella ei l'emprema scuntrada da Gaspare O. Melcher cugl «alphabet poétique» da Matias Spescha. L'exposiziun cuoza tochen ils 25 da matg 2025.

Naven dils 25 da zercladur tochen ils 24 d'uost 2025 ei il Spazi Spescha lura dedicaus alla scuntrada da Corsin Fontana cun Matias Spescha.

Quella exposiziun davart dessegn e grafica ei marcada dalla tscherca alla reducziun radicala dil vocabulari artistic ed als elements essenzials.

La davosa scuntrada ei pia quella da Not Vital che serefere-scha sin la pictura tumpriva e las sculpturas da Matias Spescha. Dils 6 da settember tochen ils 16 da november 2025 concluda quella exposiziun cun gronds maletgs abstracts da Matias Spescha ed ovras actualas da Not Vital igl omagi da 100 onns.



Naven da miez mars san ins contemplar en il Spazi Spescha a Trun lavurs da Gaspare O. Melcher sco il «Quadrato Magico» (foto) en cumbinaziun cun ovras da Matias Spescha.

FOTO MAD